


Caya dedica na Alo Tromp y Plaza na Manuel Viana

ORANJESTAD (AAN)-
Diabierna, 29 di April ultimo,
atardi miembronan di Partido
di Pueblo Arubano, A.V.P. y



famia di Alo Tromp a recorda e hecho tristo cu 5 aña pasa e hoben aki a worde ranca for di nan.

Tabata 5 aña pasa cu e hoben aki den flor di su bida, para inocentemente den un camisa di su partido a haye confronta cu un fin cu a sacudi henter e comunidad. Hunto cune un otro hoben a worde gravemente herida.

Dia 29 April 1983 ta un dia cu semper lo mester keda recorda pa asina hama por sosode atrobe na Aruba cu un alma inocente ta bira victima di diferencia politico, violencia y instigacion.

Alo Tromp semper mester corda cu, apesar di diferencianan di opinion, tur ta yiunan di dios y rumannan den e mundo aki. E tragedia aki mester sirbi como un pais

nobo pa señala y coregi na tempo tur desaroyonan politico y otronan cu tin e ingredientenan cu a conduci na e asesino di un hoben inocente, pasobra su camisa y su sentimentonan di su curazon tabata pa un otro color.

Pa e tristeza cu el a laga tras mester busca consolacion cu su sacrificio y memoria por yuda percura pa hama algo asina por sosode atrobe ariba e isla.

Partido di Pueblo Arubano, A.V.P. lo forma hunto cu ciudadanonan den comunidad un "Stichting Alo Tromp" cu lo tin como meta principal stimula actividad positivo pa e hubentud y yuda concientiza cerca hobennan e balor di democracia, caminda por tin diferencianan di opinion, pero si keda biba den un union y armonia cu otro.

Caya dedica na Alo Tromp y Plaza na Manuel Viana

ORANJESTAD (AAN)-
Den conseho di Minister
Diabierna 29 di April
proposicion di e comision di
conseho pa nomber di caya pa
dedica un caminda na Alo
Tromp cu a fayece tragicamente 5 aña pasa a worde
acepta.

Dedicando un caya na Alo Tromp ta un forma den cual pa semper lo keda corda e tragico morto di un hoben inocente y trata semper pa hama algo asina ripiti su mes na Aruba. E caya cu lo worde yama Alo Tromp ta caminda cu e hoben aki a perde su bida

5 aña pasa ariba 29 April 1983.

Un otro proposicion di e comision di conseho pa nomber di caya cu a worde acepta ta pa yama Promenade di San Nicolas Plaza Manuel Viana kende tabata un persona cu durante hopi aña a traha duro pa San Nicolas y Aruba. E comision tambe a bini cu proposicion con por bay revisa henter e sistema di nomber pa caya den diferente forma cu lo mester haci esakinan mas logico. E proposicionnan aki cu ta bastante energico lo worde delibera ariba dentro di corto.